



SOGFBiH

SAVEZ OPĆINA I GRADOVA
FEDERACIJE BOSNE I HERCEGOVINE
Association of municipalities and cities of the FBiH

GODINA: XIII

BROJ: 232

DATUM: 2.12.2016.GODINE



Usluge Saveza

• PRAVNO SAVJETOVALIŠTE:

Selma Fišek, viši saradnik za pravna pitanja
fax: + 387 33 552 810
selma@sogfbih.ba

• FINANSIJSKO SAVJETOVALIŠTE:

Dženita Kovačević, viši saradnik za finansijska pitanja
fax: + 387 33 552 810
dzenita@sogfbih.ba

Sadržaj biltena:

U saradnji sa TI BiH 20 općina izradilo planove integriteta

1

Načelnik Općine Centar Nedžad Ajnadžić u posjeti Savezu općina i gradova FBiH

1

MEG Projekat nova šansa za ekonomski razvoj grada Bihać

2

Ambasadori Republike Grčke i Delegacije EU zasadili lipu

2

Općina Čitluk i Opština Žabljak pripremaju projekt prekogranične saradnje

3

U Vitezu održan poslovni forum o ekonomskoj politici BiH i evropskim integracijama

4

Počelo godišnje anketiranje privatnog sektora o zadovoljstvu uslugama javnog sektora

4

Općina Novi Grad pomaže početnicima u pokretanju biznisa

5

Počeo projekat osnaživanja ruralnih turističkih destinacija oko Sarajeva

6

Predstavnica CRS-a posjetila Općinu Maglaj

6

Načelnik Zovko i Jonathan Moore otvorili „Park mira“ kod SMŠ Žepče

7

Obnova i rekonstrukcija 12 romskih stambenih jedinica

8

Drugi regionalni forum mladih za lokalnu demokratiju

8

Tešanjci na tržište plasirali didaktičku igru za aktivan razvoj djece

9

Škola plivanja za novosarajevske osnovce

10

Bilten Saveza općina i gradova Federacije Bosne i Hercegovine

U SARADNJI SA TI BIH 20 OPĆINA IZRADILO PLANOVE INTEGRITETA



Transparency International u Bosni i Hercegovini (TI BiH) je na konferenciji Jačanje integriteta u jedinicama lokalne samouprave predstavio rezultate saradnje sa 20 općina u BiH na kreiranju i usvajanju planova integriteta, tj. antikorupcionih dokumenata usmjerenih na otklanjanje mogućnosti za pojavu korupcije. U 6 od 20 općina sa kojima je TI BiH intenzivno radio u protekle dvije godine, načelnici su već donijeli odluku o usvajanju planova integriteta, a do kraja godine se očekuje da planovi budu usvojeni i u preostalih 14 jedinica lokalne samouprave. TI BiH

je općinama pružao stručnu pomoć i obuke, te koordinisao proces sačinjavanja planova, dok su općine same identifikovale ključne tačke djelovanja na sprečavanju korupcije. „Pozitivna iskustva ovih 20 jedinica lokalne samouprave će, nadamo se, motivisati i ostale institucije, ne samo na lokalnom nivou, da započnu aktivnosti na unapređenju integriteta sa ciljem veće efikasnosti i kvaliteta rada, a TI BiH će nastaviti sa praćenjem provedbe planova integriteta i davati svoj doprinos u pogledu jačanja njihovih antikorupcijskih aktivnosti“, istakla je Lejla Ibranović, izvršna direktorica TI BiH. Dragan Slipac, zamjenik direktora Agencije za prevenciju korupcije i koordinaciju borbe protiv korupcije (APIK) je naglasio da APIK nema dovoljno kapaciteta da prati rad svih nivoa vlasti u BiH, zbog čega ovakav angažman civilnog društva postaje još značajniji. Svoja iskustva rada na projektu predstavili su Rado Savić, načelnik Opštine Lopare, Suad Huskić, načelnik Općine Tešanj i Nermin Ogrušević, načelnik Općine Cazin. Načelnici ovih općina su složni u mišljenju da će unapređenje transparentnosti, kao i primjena planova integriteta, biti važni faktori za razvoj lokalnih zajednica i privlačenje investicija i ulaganja u ove općine. Na konferenciji je učestvovalo oko stotinu predstavnika svih nivoa vlasti u BiH, načelnika općina i gradova, predstavnici ambasada, međunarodnih organizacija i organizacija civilnog društva. Projekat je realizovan u saradnji sa Agencijom za prevenciju korupcije i koordinaciju borbe protiv korupcije BiH, Savezom općina i gradova Federacije BiH, Savezom opština i gradova Republike Srpske, a finansiran je od strane ambasade Kraljevine Holandije u BiH. Loes Lammerts, zamjenica ambasadora Kraljevine Holandije je izrazila zadovoljstvo izrađenim planovima integriteta koji su ušli u proces usvajanja od strane načelnika općina, ali i podvukla da je ono najbitnije ispred lokalnih samouprava, a to je uspješna realizacija ciljeva postavljenih u planovima integriteta.

NAČELNIK OPĆINE CENTAR NEDŽAD AJNADŽIĆ U POSJETI SAVEZU OPĆINA I GRADOVA FBiH

U posjeti Savezu općina i gradova Federacije Bosne i Hercegovine boravio JE 24. novembra/ studenog načelnik Općine Centar Sarajevo, dr Nedžad Ajnadžić. Načelnik Ajnadžić se informisao o radu Saveza, načinu finansiranja, te narednim aktivnostima u vezi sa postizbornim konstituisanjem novih organa i tijela. Direktorica Travljanin upozнала je načelnika sa Strategijom razvoja Saveza za period 2015 - 2022. i naglasila odličnu saradnju koju imamo sa Švedskom međunarodnom agencijom za razvoj (Sida) od koje očekujemo veliku pomoć u njenoj implementaciji. Također, direktorica Travljanin predstavila je pravni položaj Saveza, te istakla kako je prema Zakonu o principima lokalne samouprave u FBiH, Savez zakonski zastupnik svojih članica pred vlastima u FBiH i kako su federalne i kantonalne vlasti dužne konsultovati Savez oko donošenja propisa koji se tiču jedinica lokalne samouprave.

Međutim, i pored postojanja Sporazuma o saradnji Vlade FBiH i Saveza i Kodeksa o međupravdnim odnosima, u ovom segmentu još uvijek imamo puno problema. Vezano za izmjene i donošenje novih zakonskih propisa koji se tiču jedinica lokalne samouprave, direktorica Travljanin je istakala važnu ulogu načelnika u zastupanju i branjenju stavova Saveza pred Vladom FBiH i Federalnim parlamentom. Načelnik Ajnadžić je naglasio problem nepostojanja zakona o Gradu Sarajevu, te pozvao Savez da se uključi u rješavanje ovog dugogodišnjeg problema, kao i problema neimplementacije presuda Ustavnog suda FBiH za zaštitu prava na lokalnu samoupravu. Vezano za predlaganje kandidata u organe i tijela Saveza, načelnik Ajnadžić je podržao stav da jedan od uslova bude i redovno uplaćivanje članarine Savezu. Na kraju sastanka načelnik Ajnadžić je istakao opredjeljenje Općine Centar za nastavkom saradnje sa Savezom pa i njenim jačanjem, kojom prilikom je ponudio i sve općinske kapacitete u tu svrhu, ali i očekivanja od Saveza za aktivnijim zalaganjem za jačanje položaja lokalnih vlasti.



Vezano za predlaganje kandidata u organe i tijela Saveza, načelnik Ajnadžić je podržao stav da jedan od uslova bude i redovno uplaćivanje članarine Savezu.

MEG PROJEKAT NOVA ŠANSA ZA EKONOMSKI RAZVOJ GRADA BIHAĆA



Razvojni program Ujedinjenih nacija (UNDP) polovinom ove godine započeo je realizaciju četverogodišnje faze Projekta općinskog okolišnog i ekonomskog upravljanja (MEG) kojeg financira Vlada Švicarske. Grad Bihać odabran je za jednu od 18 partnerskih jedinica lokalne samouprave s kojima će MEG projekat raditi tokom četiri naredne godine. Tim povodom bihaćki gradonačelnik Šuhret Fazlić razgovarao je 29. novembra/ studenog sa Goranom Štefatićem, MEG projektnim menadžerom i

Vahidinom Ogrševićem ispred UNDP ureda u Bihaću o planovima i obavezama koje stoje pred gradskom upravom kada je u pitanju projekat vrijedan skoro 12 miliona švicarskih franaka. Kako je istaknuto, konkretna podrška MEG projekta fokusirati će se na rad sa vijećima i rukovodstvima gradova, službama za ekonomski razvoj, okoliš, komunalne djelatnosti i financije i slučaju grada Bihaća sa JP Vodovod. „Grad Bihać ima dobar imidž kada su u pitanju projekti koje realiziraju brojne međunarodne organizacije u našoj zemlji i biti ćemo kao lokalna jedinica spremni na ovaj projekat kakao bi smo iskoristili sve benefite koji dolaze sa ovako velikim projektom „ – istakao je gradonačelnik Fazlić. U narednom periodu gradskoj upravi Bihaća biti će prezentirani rezultati ankete koja je realizirana u okviru MEG projekta, a riječ je o preko 400 anketiranih građana Bihaća koji su koristili usluge gradske uprave Bihaća i koji su potom ocijenili rad i odnos zaposlenika gradske uprave.



Grb Grada Bihaća

AMBASADORI REPUBLIKE GRČKE I DELEGACIJE EU ZASADILI LIPE

U Aleji ambasadora zasađeno je 24. novembra/ studenog 167. i 168. lipa po redu. Ta čast je pripala ambasadoru Republike Grčke u BiH, n.j.e. Georgiosu Iliopoulosu, te šefu Delegacije EU i specijalnom predstavniku EU za BiH, n.j.e. Larsu-Gunnaru Wigemarku. U Aleji ambasadora sui h dočekali predsjedavajući Općinskog vijeća Stari Grad Jusuf Pušina i njegovi zamjenici Irfan Čengić i Sanel Dragolovčanin. Grčki ambasador nije krio svoje oduševljenje ovom jedinstvenom idejom, sa kojom se nije susretao nikada u svojoj dugoj diplomatskoj karijeri, pa je kazao: „Ljudski odnosi su poput drveća, potrebno im je jako korištenje kako bi zdravo rasli, te dobra ishrana i briga.



Grb Općine Stari Grad

Ovo drvo će rasti ovisno o našoj brizi, tu mislim i na odnose između naših zemalja.“ Specijalni predstavnik EU za BiH i šef Delegacije EU u BiH Lars-Gunnar Wigemark je imao priliku i ranije čuti za ovaj projekat Općine Stari Grad, te se radovao trenutku kada će na njega doći red da posadi svoju lipu. Ipak, ambasador se i kritički osvrnuo na odnos prema prirodi i okolišu: „Sadnja drveća je simbol mnogih stvari, nade, budućnosti, ali i brige za ekologiju. Nažalost u današnje vrijeme rijetki



posvećuju dovoljno pažnje ekologiji u ovoj zemlji, ali i svugdje u svijetu. Kada bi svako u ovoj zemlji posadio jedno drvo i brinuo se o njemu, to bi značilo preko tri miliona stabala, a znamo koliko ona obogaćuju zemlju i osiguravaju je od nepogoda poput poplava koje ste imali nedavno. Ljudi u ovoj državi su vrlo vezani za prirodu, zemlju, ali nažalost ne vidim mnogo njih da se previše brinu o njoj,“kazao je Wigemark. Za novoizabranog predsjedavajućeg Općinskog vijeća Stari Grad Jusufa Pušinu ovo je bila prva sadnja lipe. Nakon sadnje se posebno zahvalio ambasadorima i uručio im certifikate o sadnji, te suvenire Općine Stari Grad. „Ovom jedinstvenom tradicijom i projektom mi kao Općina prevazilazimo svoje granice kroz lica i osobnosti ljudi koji sade svoje lipe ovdje. Ova ideja ujedno nosi i veliku obavezu, a to je da Grad Sarajevo i Općina Stari Grad uvijek održavaju ovaj prostor i čine ga velikim simbolom prijateljstva. Drvo koje sade ambasadori predstavlja simbol prijateljstva između te osobe i njene zemlje i Bosne i Hercegovine, „kazao je predsjedavajući Pušina. Dodao je da je Aleja ambasadora jedinstven primjer kojim se u svijet šalje poruka mira, prijateljstva i poruka koja će Bosnu i Hercegovinu izvesti na put demokratije, pravde i zadovoljstva. Nakon sadnje, grčka delegacija je u pratnji svojih domaćina krenula u obilazak Saburine kuće, nacionalnog spomenika na Kovačima koji je Općina Stari Grad restaurirala 2014. godine.

KORISNI LINKOVI ZA PREDPRISTUPNE FONDVE EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmmed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

OPĆINA ČITLUK I OPŠTINA ŽABLJAK PRIPREMAJU PROJEKT PREKOGRANIČNE SARADNJE



Općina Čitluk i Opština Žabljak iz Crne Gore pripremaju zajednički projekt prekogranične suradnje „Održivi turizam poboljšan kroz aktivnosti zajednica za kulturnu baštinu prekograničnog područja Opštine Žabljak i Općine Čitluk“. Općinama u pripremi ovog projekta na raspolaganje se stavila GTF – Inicijativa za održivi rast, pa je stoga jučer u Uredu načelnika Općine Čitluk održan sastanak na kojem su sudjelovali predstavnici Općine Čitluk, GTF – Inicijative za održivi rast, Udruga Stećak i Razvojne agencije „NERA“ iz Nema. Na spomenutom sastanku načelnik općine Čitluk Marin Radišić potpisao je deklaraciju vodećeg

aplikanta kojom je Općina Čitluk prihvatila ulogu nositelja projekta prekogranične suradnje. Projekt prekogranične suradnje između općina Čitluk i Žabljak ima za cilj promociju stećaka u kulturno-turističke svrhe i njihovo uzdizanje na nivo turističkog brenda u sklopu cjelokupne ponude općina Čitluk i Žabljak, te će biti apliciran u IPA Program prekogranične suradnje BiH i Crne Gore financiran iz europskih fondova. Općina Čitluk će sa svojim jedinstvenim PADOR brojem biti nositelj cjelokupnog projekta koji će biti apliciran kroz sustav za prijavu projekata PADOR. Status nositelja projekta znači da bi Općini Čitluk u slučaju prihvaćanja projekta pripao veći iznos odobrenih sredstava. „Iznos koji bi Općina Čitluk mogla dobiti za ovu svrhu je do 250.000 eura. Novac dobiven iz europskih fondova za ovaj projekt mogao bi se koristiti isključivo u svrhu zaštite stećaka, njihovu turističku promidžbu, što bi u konačnici uvelike doprinijelo popularizaciji općine Čitluk na čijem se području nalazi oko 600 stećaka“, kazao nam je nakon održanog sastanka Slaven Markota, djelatnik Općine Čitluk koji aktivno sudjeluje u pripremi nekoliko projekata prekogranične suradnje.



Grb Općine Čitluk



Markota nam je također kazao kako su stećci u crnogorskoj općini Žabljak od srpnja ove godine uvršteni na UNESCO listu svjetske baštine, ali i da je turistima koji posjećuju općinu Čitluk uglavnom nepoznato da na području naše općine postoji veliki broj srednjovjekovnih nadgrobnih spomenika i posebice istaknuo stećke na lokalitetu Bakri (Veliki Ograđenik) i stećak na groblju Mainovac (Vionica) koji je uvršten na popis nacionalnih spomenika BiH. „Danas smo posjetili općinu Čitluk kako bismo razgovarali o suradnju u okviru europskog projekta sa nadležnim u Općini Čitluk o razvoju lokacija stećaka kao budućeg turističkog potencijala i jako smo zadovoljni sa prijemom koji smo imali. Ljudi s kojima smo razgovarali jako dobro razumiju ovo pitanje i uistinu dijelimo istu viziju da treba zaštititi, promovirati i bolje koristiti to blago koje općina Čitluk posjeduje“, kazala nam je Mary Ann Rukavina Cipetić, direktorica udruge GTF sa sjedištem u Zagrebu. Nakon održanog sastanka na kojemu je uspostavljena suradnja slijedi aplikacija koncepta note projekta. Koncept nota projekta bit će detaljno dogovoren u sljedećih desetak dana, na što su sudionici projekta obavezani i rokom, a nakon prihvatanja koncepta nota slijedi otvaranje pune natječajne procedure koja je u slučaju projekata prekogranične suradnje koji su financirani iz europskih fondova propisana strogim pravilima.

Jučerašnjem sastanku nazočio je Damir Glavinić iz Razvojne agencije NERA iz općine Neum koja je izrazila želju sudjelovati zajedno s općinom Čitluk na budućim europskim projektima, a Općina Čitluk i Općina Neum u ovom trenutku imaju jedan zajednički INTERREG projekt koji su aplicirale sa Lučkom upravom Ploče.

U VITEZU ODRŽAN POSLOVNI FORUM O EKONOMSKOJ POLITICI BiH I EUROPSKIM INTEGRACIJAMA



U organizaciji Gospodarske komore Federacije BiH, u Vitezu se održao 24. novembra/ studenog Poslovni forum koji je posvećen temama "Europske integracije: Ekonomska politika BiH – izazovi, prilike, prijetnje" i "Reformska agenda – socioekonomske mjere ili proces ulaska BiH u euroatlantske integracije". Otvarajući Forum, predsjednik Federacije BiH i pokrovitelj ovog skupa, Marinko Čavara kazao je da se BiH nedvojbeno opredijelila za europski i reformski put, ali da za to mora ispuniti niz uvjeta. "Reformska agenda predstavlja dokument o kojem postoji opći konsenzus u BiH. Iako postoje razlike oko pojedinih zakonskih rješenja, svi ciljevi

iz Agende su neupitni", kazao je Čavara. Čavara je, između ostalog, istaknuo da prioritet vlasti u BiH trebaju biti reforme zakona koje će stvoriti pozitivno ozračje za razvitak gospodarstva, te, među ostalim, smanjiti fiskalna opterećenja i dodatno urediti tržište rada, a s ciljem povećanja zaposlenosti. "Nema puta natrag, ako smo se opredijelili za Europsku uniju i reforme, ma koliko one bile bolne", kazao je Čavara. Sudionicima skupa se obratio i ministar vanjske trgovine i ekonomskih odnosa BiH Mirko Šarović koji je rekao da BiH ulazi u izazovno i uzbuđljivo vrijeme, naglašavajući kako će na predstojećem europskom putu, poput odgovaranja na Upitnik Europske komisije, Ministarstvo vanjske trgovine i ekonomskih odnosa BiH imati važnu ulogu. Predsjednik Gospodarske komore Federacije BiH Marko Šantić istaknuo je da u BiH postoje brojni zakoni koje je potrebno popraviti, jer gospodarstvenicima prave probleme, dok je veleposlanik Republike Hrvatske u BiH Ivan Del Vechio kazao je da, prema makroekonomskim pokazateljima, BiH lagano izlazi iz krize, te da će joj Hrvatska i dalje biti strateški partner. U radu Poslovnog foruma u Vitezu sudjeluju gospodarstvenici, te predstavnici svih razina vlasti u BiH i akademske zajednice.

POČELO GODIŠNJE ANKETIRANJE PRIVATNOG SEKTORA O ZADOVOLJSTU USLUGAMA JAVNOG SEKTORA

Kao i prethodnih godina, i ove godine razvojna agencija Žepče provodi redovno godišnje anketiranje privatnog sektora o zadovoljstvu uslugama javnog sektora. Anketiranje počinje 21.11.2016. godine i traje do 30.11.2016. godine, a provodi se popunjavanjem kratkog online upitnika. Cilj istraživanja jeste utvrditi stanje i potrebe privatnog sektora u općini Žepče kao i nivo zadovoljstva privatnog sektora uslugama javnog sektora.

"Novac dobiven iz europskih fondova za ovaj projekt mogao bi se koristiti isključivo u svrhu zaštite stećaka, njihovu turističku promidžbu, što bi u konačnici uvelike doprinijelo popularizaciji općine Čitluk na čijem se području nalazi oko 600 stećaka." Slaven Markota



Grb Općine Vitez



Grb Općine Žepče



Također, kroz istraživanje će se utvrditi potrebe i prioritete privatnog sektora u općini Žepče kako bi se u skladu s njima definirale prikladne mjere pomoći i podrške privatnom sektoru u općini Žepče. Podaci dobiveni kroz istraživanje služiti će isključivo u statističke svrhe te se sudionicima u istraživanju garantira zaštita privatnosti iznesenih stavova. Rezultati istraživanja provedenih u prethodnim godinama bili su tema sjednica Lokalnog ekonomskog foruma Općine Žepče i pretočeni su u konkretne inicijative koje su upućene javnom sektoru. Jedna od takvih inicijativa je smanjenje takse na ovjeru dokumenata za privatni sektor koja je

realizirana donošenjem Odluke Općinskog vijeća Žepče o izmjenama Odluke o općinskim administrativnim pristojbama kojom je utvrđeno da se ovjera prve stranice naplaćuje 2,00 KM, a svaka naredna stranica 0,50 KM. Mole se privrednici da se u što većem broju uključe u ovo istraživanje. Rezultati će biti objavljeni na službenoj web stranici RAŽ-a i Općine Žepče.

KORISNI LINKOVI ZA PREDPRISTUPNE FONDVE EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc-bih-mne.org
www.cbc-cro-bih.net
www.programmemed.eu
www.tacso.org
www.euroinfocentar.ba
www.balkanfund.org
www.eurelsmmed.com
www.eacea.ec.europa.eu

OPĆINA NOVI GRAD POMAŽE POČETNICIMA U POKRETANJU BIZNISA

U okviru obilježavanja Globalne sedmice poduzetništva 27. novembra/ studenog u Općini Novi Grad Sarajevo održan je okrugli sto o temi „Mreža podrške za start-up biznise“. Tom prilikom upriličeno je i potpisivanje ugovora sa prve tri firme, korisnice finansijske linije iz start-up programa. Riječ je o posebno kreiranoj finansijskoj liniji za poduzetnike koji tek pokreću biznis. Na ovaj način onima koji imaju dobre poslovne ideje i žele da se bave biznisom, a ne mogu da dođu do sredstava, omogućeno je da dođu do veoma povoljnih sredstava tzv. start-up finansiranja. Kako je ovom prilikom kazao



Emir Dedović, poćnik načelnika Općine Novi Grad za finansije i zajedničke poslove ova lokalna zajednica nastavlja projekat kojim pomažemo razvoj poduzetništva na području Novog Grada, a jedan od segmenata je start-up. "Do sada smo razvili povoljna kreditiranja sa partnerskom bankom odabranom putem javnog poziva za sve vrste poduzetništva na području naše općine, onih koji već posluju. U zadnje tri godine u okviru te finansijske linije u privredu Novog Grada plasirano je blizu 20 miliona konvertibilnih maraka. Na ovaj način smo pomogli svim firmama koje su imale problem u poslovanju da zadrže broj zaposlenih, uposle nove i im olakšamo vraćanje kredita", pojasnio je Dedović. Dodao je da se od ove godine krenulo i sa start-up programom. „Prepoznali smo da oni ljudi koji imaju ideju da započnu posao nemaju mogućnosti kada je u pitanju kredit i kreditno zaduživanje, pa smo pokušali da i takvima obezbijedimo jednu liniju sa partnerom BBI bankom. Direktor korporeta BBI banke Edin Brkić istakao je da ova banka već četvrtu godinu zaredom sufinansira malu privredu na području općine Novi Grad Sarajevo, te da je ove godine pokrenuta i podrška start-up preduzećima, koja praktično vrlo teško ili nikako ne dolaze do finansiranja. "Uslovi su vrlo povoljni, a za tu priliku smo napravili i letak kako bi ljudima sa područja ove općine dali priliku da krenu u biznis. Iznos finansiranja kreće se od 2.000 do 20.000 KM", rekao je Brkić. Naglasio je da ljudi koji imaju namjeru da apliciraju trebaju da imaju napravljen biznis plan, a ako ne znaju sami to uraditi mogu se obratiti i banci da im pomogne. Ugovori su potpisani sa firmama UR „Ziki“, TR „Mango“ i OD „Ala Đula“. Zijada Suljević, jedna je od korisnika ove vrste kredita. "Aplicirala sam za kredit za pokretanje vlastitog biznisa, bila sam nezaposlena i ovo mi je jedini način da dođem do novčanih sredstava, kako bi sebe zaposlila. Planiram otvaranje restorana, jer sam po struci kuhar. Ovo puno znači i odskočna je daska za posao koji ću pokrenuti", kazala je Zijada.



Grb Općine Novi Grad Sarajevo



Cilj okruglog stola koji je održan u okviru Globalne sedmice poduzetništva je povezivanje ključnih subjekata, vladinih i nevladinih organizacija, kao i samih poduzetnika, zatim neposredne razmjene informacija i iskustava iz prakse u procesu razvijanja poduzetništva. Učesnici okruglog stola bili su predstavnici BBI banke, Centra za promociju civilnog društva, JU Služba za zapošljavanje KS, Federalnog zavoda za zapošljavanje, Privredne komore KS, Serde d.o.o. Sarajevo, Udruženje poslovnih savjetnika u BiH, Centar za razvoj socijalnog poduzetništva, te firmi Bisnode BH d.o.o, Mistral Technologies, i Rubin d.o.o. Na sastanku je zaključeno da se sistemska podrška poduzetništvu treba razvijati na svim razinama počev od razvoja poduzetničke svijesti od najranije dobi - kroz programe vladinog i nevladinog sektora, da se treba uputiti inicijativa Ministarstvu obrazovanja KS za uvođenje praktične obuke kroz redovne programe za srednjoškolce, te da se uvedu olakšice za start-up kompanije, prema stvarnim potrebama tih kompanija.

POČEO PROJEKAT OSNAŽIVANJA RURALNIH TURISTIČKIH DESTINACIJA OKO SARAJEVA



Udruženje Alterural i Planinarsko društvo Vranica, zajedno s partnerima (Eurogites, Kreševski citrin i Udruženje žena "Strica - Zaruđe") ozvaničilo je 23. novembra/ studenog u Fojnici početak realizacije projekta, koji za cilj ima osnaživanje ruralnih turističkih destinacija oko Sarajeva. Predviđeno je da implementacija traje tri godine, a provodit će se na području sedam općina u širem području oko Sarajeva (Kreševo, Fojnica, Vareš, Ilijaš, Sarajevo Centar, Sarajevo Stari Grad te Istočni Stari Grad). Tim projektom nastoji se omogućiti ljudima, koji se već na neki način bave ruralnim turizmom ili to tek namjeravaju,

stručno osposobljavanje kroz različite radionice. U planu je da se oforme četiri destinacije u bližoj okolini Sarajeva, na području sedam općina, a okupili bi dvedesetak članova koji imaju zajednički interes u ovom slučaju razvoj ruralnog turizma. Ukupna vrijednost projekta pod nazivom "Osnaživanje ruralnih turističkih destinacija oko Sarajeva sa ciljem diversifikacije ruralne ekonomije" je 205.832 eura (184.832 eura učešće Evropske unije). "Turisti će imati više mogućnosti za otkrivanje Bosne i Hercegovine kroz sela", navodi organizator.

Ovim projektom nastoji se omogućiti ljudima, koji se već bave ruralnim turizmom ili to tek namjeravaju, stručno osposobljavanje kroz različite radionice. U planu je da se oforme četiri destinacije u bližoj okolini Sarajeva, na području sedam općina, a okupili bi dvedesetak članova koji imaju zajednički interes u razvoj ruralnog turizma.

PREDSTAVNICI CRS POSJETILI OPĆINU MAGLAJ

Sa ciljem da razgovara o novom projektu predstavnica Catholic Relief Services (CRS-a) Gordana Radić posjetila je 28. novembra/ studenog Općinu Maglaj. U razgovoru sa Općinskim načelnikom Mirsadom Mahmutagićem i njegovim saradnicima Azrom Čakramom šeficom Službe za boračko-invalidsku i socijalnu zaštitu, opću upravu i društvene djelatnosti, te Bisernizom Gračić predstavnicom te Službe zaključili su dogovor oko realizacije projekta "Integrirana podrška raseljenih osoba i izbjeglica".



Catholic Relief Services (CRS) je preko donatora Odjela za populaciju, izbjeglice i migracije Vlade SAD-a radio novi projekat koji se odnosi na ekonomsku održivost korisnika Regionalnog stambenog projekta, koji traje do 30.septembra 2017. godine. Podržat će 9 korisnika koji se nalaze u općini Maglaj, a od mogućih 20 korisnika koji su aplicirali. Imat će podršku u vidu socio-ekonomske održivosti i to će se ogledati kroz poljoprivredu, pokretanje zanatsko-uslužne djelatnosti i pomoć pri zapošljavanju. Isključivo socijalna pomoć odnosit će se na školovanje, omogućavanje penzionih i zdravstvenih uslova i podrška uvezivanju staža. Općinski načelnik Mirsad Mahmutagić je izuzetno zadovoljan što se kreće u realizaciju navedenog projekta, te ističe da postoji obostrana volja za dobrom i efikasnom saradnjom



NAČELNIK ZOVKO I JONATHAN MOORE OTVORILI „PARK MIRA“ KOD SMŠ ŽEPČE

Žepče je bogatije za još jednu lijepu stvar koja će služiti mladim ljudima, prvenstveno učenicima SMŠ. Naime, u sklopu „Parka mira“ koji je danas svečano otvoren u krugu Srednje mješovite škole, postavljena je „pametna“ klupa, kao i stol za stolni tenis. Odbor za međureligijsku saradnju Žepče i Misija OSCE-a u BiH obezbijedili su sredstva za solarnu klupu, koja je energetski neovisna zahvaljujući punjenju na solarnu energiju. Klupa će pružiti korisnicima mogućnost bežičnog i USB punjenja elektronskih uređaja. „Nadam se da će ovaj „Park mira“ dobro doći svima nama, a posebno vama



učenici, gdje ćete znati iskoristiti svoje slobodno vrijeme. Vjerujem da ćemo vremenom dodatno proširiti vanjski prostor ispred škole, obzirom da tu mogućnost nemamo unutar same zgrade. Toplo se zahvaljujem svim donatorima koji su učestvovali u postavljanju „Parka mira“, parka tolerancije, parka ljubavi, jer sve što doprinosi vama djeco, dragi učenici, doprinosi i nama kao menadžmentu škole“, kazao je danas okupljenim učenicima, nastavnicima i gostima, direktor SMŠ Žepče Zijah Maličbegović. „Kaže se - kamen po kamen palača, projekt po projekt ljepše naše Žepče. Koji god projekt da završimo u Žepču, a ima ih, hvala Bogu puno, bilo da je on ekološki, gospodarski, kulturni, sportski, svaki doprinosi boljim uvjetima nama u Žepču. Pored savremene tehnologije koje ćete vi ovdje koristiti, razgovarajte, družite se i ovu klupu i cijeli park pametno koristite. Na nama je, svim Žepčankama i Žepčacima, da ovaj park mira proširimo na cijelo područje općine Žepče i da multietničku i međureligijsku saradnju mi izgrađujemo i da po tome budemo primjer svima u BiH“, istakao je općinski načelnik Mato Zovko. Šef Misije OSCE-a u BiH Jonathan Moore zahvalio se na srdačnom gostoprimstvu koje osjeti svaki put kada dođe u Žepče, a posebno se zahvalio općinskom načelniku, vjerskim službenicima i kolegicama i kolegama iz MRV. „Čast nam je opet biti ovdje sa vama, vi ste uvijek na umu svih nas iz Misije OSCE-a i nadam se da ćemo svi zajedno moći uživati u miru, kako ovdje, tako i svugdje u BiH“, rekao je u svom obraćanju Moore. „Geslo Odbora za međureligijsku saradnju je „mir je moj put“. Mi danas ovdje sadimo i drvo mira, ali vi ga zalijevajte i neka se taj mir proširi i raste među vama učenicima, a onda sa vas i na vaše porodice, naš grad i našu domovinu. Neka u našoj zemlji zavlada pravedni mir, jer samo s pravednim mirom svako mjesto, svaka porodica, svaki grad, svaka zemlja ima prosperitet i budućnost, a mi upravo želimo da naša domovina Bosna i Hercegovina ima osiguran takav mir i bolju budućnost i prosperitet za vas i za vašu djecu u budućnosti“, dodao je na kraju predsjedavajući OMS Žepče vlč. Predrag Stojčević. Glavni imam MIZ Žepče Izet ef. Efendić, paroh zavidovičko-žepački protojerej Zoran Živković i vlč. Predrag Stojčević, zajedno su u školskom parku zasadili i drvo mira. Također, od 17:30 u kino dvorani Doma kulture u Žepču, upriličen je i II humanitarni koncert za djecu i odrasle s posebnim potrebama, na kom su učešće uzeli Srpsko pjevačko društvo „Sloga“ iz Sarajeva, hor Islamskog pedagoškog fakulteta u Zenici, ženska vokalna skupina „Emptianae“ Žepče, te učenici GŠ „Katarina Kosača Kotromanić“ Žepče. Visoki pokrovitelji ovog događaja su Općina Žepče, MRV BiH (Međureligijsko vijeće u Bosni i Hercegovini), Misija OSCE-a u BiH, PRO-budućnost i CRS. Ostali sponzori humanitarnog koncerta su: J.U. „Opća biblioteka“ Žepče, J.U. „Dom kulture“ Žepče, Gama electronic d.o.o, Vinarija „Povratak“ i firma „Elchytex“ d.o.o. Medijski pokrovitelji događaja su: Radio Žepče, Radio postaja Žepče i portal Zepce.ba

KORISNI LINKOVI ZA
PREDPRISTUPNE FONDove EU:

www.southeast-europe.net
www.adriaticpacbc.org
www.interregadriatico.it
www.europa.ba
www.cbib-eu.org
www.cbc-bih-mne.org
www.srb-bih.org
www.cbc-cro-bih.net
www.programmed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

„Čast nam je opet biti ovdje sa vama u Žepču, vi ste uvijek na umu svih nas iz Misije OSCE-a i nadam se da ćemo svi zajedno moći uživati u miru, kako ovdje, tako i svugdje u BiH“, rekao je u svom obraćanju Moore.



OBNOVA I REKONSTRUKCIJA 12 ROMSKIH STAMBENIH JEDINICA

U okviru projekta "Roma Action – Podrška socijalnom uključenju ranjivih romskih porodica u područjima pogođenim poplavama putem obezbjeđenja stambenih jedinica i socio-ekonomskih mjera sa aktivnim učešćem državnih vlasti kao i drugih interesnih grupa", u sjedištu Gradske uprave Zenica boravila je 28. novembra/ studenog Ann Hyde, monitor projekta u ime Evropske komisije. Monitoring podrazumijeva verifikaciju projekta kao potvrdu i



preporuke za donatora u projektu i smjernice za neke nove projekte. Radi se o projektu obnove i rekonstrukcije 12 stambenih objekata u Zenici. Projekt se realizuje u saradnji s nevladinim organizacijama "Hilfswerk Austria International", Arbeiter-Samariter-Bund i romskim udruženjem "Kali Sara-Crna Sara". Korisnici projekta su romske porodice sa teritorije grada Zenica, koji nemaju riješeno stambeno pitanje ili žive u neuslovnim stambenim jedinicama, a imaju stambene objekte u svom vlasništvu. Komisija za izbor korisnika nakon provedenih propisanih procedura izbodovala je i verifikovala korisnike. Vrijednost projekta je oko 500.000 KM. Gradska uprava ima obavezu ušeha od 40.000 KM. Realizacija projekta se očekuje u drugoj polovini decembra ove godine.



Grb Grada Zenice

DRUGI REGIONALNI FORUM MLADIH ZA LOKALNU DEMOKRATIJU



U Gradskoj vijećnici Mostara 16. novembra/ studenog je održan Drugi regionalni forum mladih za lokalnu demokratiju kojem su bili prisutni između ostalih i gradonačelnik Mostara Ljubo Bešlić i voditelj Delegacije EU u BiH Lars Gunnar Wigemark koji je i Drugi regionalni forum za lokalnu demokratiju kojem je prisustvovalo 80 mladih iz država zapadnog Balkana. Uoči konferencije gradonačelnik Mostara Ljubo Bešlić izjavio je kako će se razgovarati sa Wigemarkom te da ima puno tema o kojima ćemo razgovarati, od političkog pitanja Mostara i brojnih

projekata koje finansira EU. Bešlić je kazao kako za projekt izgradnju kolektora u Mostaru nedostaje značajan dio sredstva i tražit će pomoć iz nekih grantova EU, da se taj projekt, najvažniji u istoriji Mostara u zadnjih sto godina, i realizuje. „Nadam se da će EU iznaći mogućnosti da nam se pomogne u tome“, kazao je Bešlić. Glede imenovanja sudaca u Općinskom sudu u Čitluku, gdje od četvero sudaca jedna Hrvatica, dvije Bošnjakinje i jedan Srpkinja, Bešlić je kazao da kao predsjednik ŽO HDZ-a moram uputiti vrlo jasnu poruku, jer to što radi VSTV je apsolutno neprihvatljivo. „Oni su ti koji treba da provode zakon i Ustav i ako se oni ne drže toga, što možete očekivati u ovoj državi, pogotovo, gdje se to radi tamo na štetu Hrvata, najmalobrojnijeg naroda. Mislim da ovog puta to neće ići baš tako jednostavno“, poručio je Bešlić. Komentarišući problem neodržavanja izbora u Mostaru, Bešlić je podvukao da se to pitanje ne rješava na lokalnom nivou. „

Bešlić je kazao kako za projekt izgradnje kolektora u Mostaru nedostaje značajan dio sredstva i tražit će pomoć iz nekih grantova EU, da se taj projekt, najvažniji u istoriji Mostara u zadnjih sto godina, i realizuje.



Grb Grada Mostara

Znate da SDA i HDZ imaju različita stajališta i sigurno je to pitanje parlamentarne većine, kako i na koji način donijeti Parlamentarnoj skupštini BiH izborni zakon koji će sadržavati i poglavlje za Mostar“, kazao je Bešlić. Voditelj Delegacije EU u BiH Wigemark je izjavio da je „možda dobro što se Forum održava u Mostaru, jer neprihvatljivo je, što smo više puta naglasili, da se u Mostaru već osam godina ne održavaju izbori. „Ova moja izjava se posebno odnosi na mlade, jer mladi trebaju više naučiti o svojoj građanskoj odgovornosti, o svojim pravima. Na koji način mogu učiti općenito o svom angažmanu u društvu, ako im mi odrasli ne dajemo primjer“, kazao je on. Govoreći o sastanku sa gradonačelnikom Bešliće, Wigemark je podsjetio da EU u Mostaru ima nekoliko projekata, konkretno, vezanih za upravljanje otpadom i vodama. „Do sada je jako puno, u zadnjih 18 mjeseci, urađeno u pogledu tog projekta i veliki je napredak postignut“, rekao je Wigemark.

TEŠANJCI NA TRŽIŠTE PLASIRALI DIDAKTIČKU IGROU ZA AKTIVAN RAZVOJ DJECE



U današnje vrijeme kada su internet i moderne tehnologije preuzele ulogu učitelja, animacija i igara za djecu, didaktičke edukativne igre bivaju zaboravljene. Sam značaj igre je danas često potcijenjen ili čak zaboravljen. Za djecu, to je osnovna potreba, baš kao i jelo, spavanje ili piće. Naše društvo može biti ponosno jer još uvijek ima onih koji ne potcjenjuju značaj didaktičkih igara i prepoznaju njihovu važnost kroz rani rast i razvoj djeteta. Kompanija Igraj Uči Rasti je pokrenuta sa ciljem da doprinese rješavanju ovakvih problema i sve većeg broja smetnji kod djece

predškolskog i školskog uzrasta. Direktor kompanije i suosnivač Armin Maglić, govorio je za poslovni portal Akta.ba o svom Startup-u a sad već registriranom uspješnom biznisu za proizvodnju igara i igračaka. "Zajedno sa svojim prijateljem kroz istraživanje lokalnog tržišta shvatio sam da je zapravo sve manje igara koje imaju edukativni karakter. Kroz naše istraživanje posjetili smo roditelje, škole i vrtiće i uz razgovore, ankete i razne prototipe igara zajedno sa njima pokušali da shvatimo koji su problemi i izazovi vezani za razvoj djeteta i na neki način ih pomognemo ublažiti a u nekim slučajevima i u potpunosti ukloniti. Sada imamo konačan projekat i proizvod koji je proizašao iz potrebe djece i njihovih odgajatelja na što smo posebno ponosni. Sretni smo jer ova igra nije nametnuta od strane nekog skupog proizvođača igračaka, već je nastala kao potreba iz našeg društva za našu djecu. Ovo je naš prvi proizvod koji smo plasirali na tržište, urađen je kao set edukativnih karata koje djeci omogućavaju savladavanje različitih vještina, od prepoznavanja oblika, boja, slova sve do prvog pisanja riječi", govori Maglić.

Igraj Uči Rasti d.o.o. je društveni biznis, proglašen kao jedan od najuspješnijih biznis planova, prvog biznis inkubatora Fondacije Mozaik, a koji doprinosi rješavanju ili ublažava problem nepravilnog razvoja djece, manjka stimulacije razvoja kognitivnih i intelektualnih sposobnosti u godinama ključnim za psihofizički razvoj, što direktno utiče na perspektivu društva i BiH.

Set Igraj Uči Rasti sastoji se od 90 karata koje su povezane kroz 5 elementa kao što su slova, brojevi, boje, geometrijski oblici i tijela i matematičke operacije. Svaki od elemenata se može koristiti samostalno ili u kombinaciji sa ostalim elementima od kreiranja riječi, matematičkih operacija pa do igranja različitih društvenih igara. Igra je rađena u ćirilskoj i latiničkoj verziji, uz koju dolazi i priručnik za roditelje, odgajatelje i nastavnike koji žele spojiti igru i učenje. Namijenjena je za uzrast od 3 do 12 godina. "Cilj nam je bio da kod djece stvorimo naviku učenja kroz igru. Da im pomognemo da u daljem nastavku njihovog rasta i razvoja lakše dolaze do znanja i vještina koje su im neophodne za život. Da se kroz naše edukativne igre stvori jedna nova mlada generacija pametnih, promišljenih ljudi koji će dalje graditi i raditi na razvoju našeg društva", govori Maglić. Igraj Uči Rasti je na 12. sajamu privrede u Tešanju potpisala i ugovor za najbolju poslovnu ideju mladih općine Tešanj u 2016. godini. Maglić kaže kako veliku podršku imaju od Općine Tešanj ali bez vještina koje im je pružio biznis inkubator Fondacije Mozaik, konačna ideja i produkt vjerovatno ne bi ugledali svjetlo dana i našli se na tržištu.

KORISNI LINKOVI ZA PREDPRISTUPNE FONDVE EU:

www.southeast-europe.net
www.adriaticpacbc.org
www.interregadriatico.it
www.europa.ba
www.cbib-eu.org
www.cbc-bih-mne.org
www.srb-bih.org
www.cbc-cro-bih.net
www.programmmed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

Ovo je naš prvi proizvod koji smo plasirali na tržište, urađen je kao set edukativnih karata koje djeci omogućavaju savladavanje različitih vještina, od prepoznavanja oblika, boja, slova sve do prvog pisanja riječi", govori Maglić.



Musala 5/1

71000 Sarajevo

Telefon: ++387 33 216 502, 209 024, 209 120

Fax: ++387 33 552 810, 216 502

E-mail: dino@sogfbih.ba

Pratite nas na:

Gledajte Savez općina i gradova
Federacije Bosne i Hercegovine na



Pratite Savez općina
i gradova FBiH na



Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način Vam, također pružamo informacije o održanim konferencijama, seminarima, radionicama, okruglim stolovima, javnim raspravama, o održanim sjednicama organa i tijela Saveza.


Ukoliko želite da se prijavite za primanje ovog biltena možete to učiniti tako što ćete poslati e-mail na: dino@sogfbih.ba

Molimo vas da informacije o našem biltenu proslijedite svim u vašoj i susjednim općinama i drugim zainteresiranim.

Ukoliko želite da objavite neke od vaših novosti, iskoristite bilten Saveza, koji je brz i efikasan način komuniciranja.

Sa zadovoljstvom očekujemo vaše komentare, sugestije i primjedbe.

ŠKOLA PLIVANJA ZA NOVOSARAJEVSKJE OSNOVCE



Od 28. novembra/ studenog na Olimpijskom bazenu Otoka počinje obuka za učenike osnovnih škola „Kovačići“, „Malta“ i „Hrasno“. Općina Novo Sarajevo u saradnji sa JP "Olimpijski bazen Otoka", nastavlja organizaciju besplatne škole plivanja za novosarajevske učenike, sa ciljem edukacije djece osnovnim plivačkim vještinama i usavršavanja pravilnog izvođenja plivačkih tehnika. Časovi plivanja na Olimpijskom bazenu Otoka omogućeni su svim učenicima od II do IX razreda, bez obzira da li su u kategoriji plivača ili neplivača, a bit će selektirani u ho-

mogene grupe nakon testiranja i to: neplivač, plutač, poluplivač, plivač početnik i plivač. Nakon uspješne realizacije obuke škole plivanja za učenike OŠ „Velešićki heroji“ i OŠ „Pofalići“ slijedi nastavak aktivnosti sa učenicima osnovnih škola „Kovačići“, „Malta“ i „Hrasno“ koji će startati sa obukom 28.11.2016. godine u dva termina koji su prilagođeni redovnim školskim obavezama. Obuka će trajati do 09.12.2016. godine.



Grb Općine Novo Sarajevo

